

欽定剿平三省邪匪方略

欽定剿平三省邪匪方略正編卷二十二

丙辰年

十一月十八日

臣

柯藩奏言

臣

連日帶同土人

密探黃柏棚地方情形山之前後兩面雖有小

路可以盤旋向上而匪徒在陡窄之處安設滾

木插石負嶮抗守未便冒險直上必得設法布

置方可取勝隨於山間前後左右可以容人石

坎內先用空鎗施放作為仰攻之勢誘令放木

擲石徹夜不息天明就其木石滾下形跡細加
察看跣得山傍老林扒內有小路二條木石所
不能及可以攀援而上分遣精細員弁密爲記
識守候數日示以緩進適值十一月初二日夜
大雪積厚尺餘三更後大霧瀟漫隨令都司巴
燕孟克蕭福祿等帶兵二百名由後路攀援潛
上臣率同遊擊鍾岳把總孫奉朝帶兵二百名

由前路直上署同知葉文麟縣丞謝國楨趙廷
麒照磨吳士麟等帶同鄉勇四百名亦卽尾隨
而進撲近賊卡先放號鎗前後吶喊一湧而上
賊無準備立時潰亂我兵及鄉勇鎗扎刀砍兩
面夾攻除落崖跌死外殺死賊匪四百餘人擒
獲老幼男婦一概誅戮陣亡兵丁六名受傷兵
丁九名照例造冊咨報受傷鄉勇優加獎賞現

在招撫難民委員安置分兵把守要隘臣因興

安近城牛蹄嶺等處亦有賊匪屯聚當於十一

月初八日馳回郡城與撫臣秦承恩面加商酌

相機剿辦

同日英善勒禮善佛住奏言臣英善自攻克麻

柳場賊巢後本擬乘勝長驅緣賊匪去路甚多

必須各處堵截方可不令逃竄隨一面知會臣

勒禮善督率駐防兵丁加緊行走一百分飭將
備扼據險要拏卡防堵詎該匪等竟于十月二
十六日乘早霧大作直撲泉水鋪卡經署都司
石陣圖等鎗箭並發斃賊多名該匪等見有準
備不敢窺伺又於二十七日率衆二千餘人復
撲東山廟卡欲奪路直由東鄉徑奔豐城與該
處賊匪會合游擊尚維岳率領兵勇出卡堵剿

箭射執旗賊首該匪等恃其人衆竟敢捨死向
上直撲該游擊挺身直前率同兵勇奮力抵殺
共殲斃賊匪一百三十餘人匪衆齊放烏鎗尚
維岳猝不及防中鎗陣亡幸協防東鄉委員知
縣劉清縣丞楊世鰲外委曾玉柱等率領兵勇
馳往策應悉力痛剿賊匪慌亂奔逃我兵追趕
二三里兩旁俱屬深林密箐恐有潛伏收兵回

卡適^臣 勒禮善佛住帶領駐防兵先後趕到卽

公同商酌乘此新添生力官兵出其不意先將

袁家石壩等處聚集賊匪悉數殲戮以示軍威

但該處山勢險峻途徑甚窄^臣 等當分三路進

兵^臣 勒禮善率同署協領努赫稜等帶領滿兵

五百名繞道由檀木場前進^臣 佛住率同協領

塔克慎等帶領滿兵三百名鄉勇二百名由風

廂堽翻山進發緣道路稍遠十一月初一日未
刻雪勢畧止卽各率領先行起程約定俱抵袁
家石壩山脚樹林內埋伏俟麻柳場正路兵到
以礮爲號齊擁而上使賊人彼此不能相顧

臣

英善于初二日丑刻率同永寧道石作瑞候補
副將孫起龍等帶領兵勇由麻柳場進攻將及
黎明已抵袁家石壩山脚我兵號礮一響

臣勒

禮善佛住兩路各率兵勇由小路攻撲

臣

英善

亦率文武員弁兵勇向上徑進該匪等因天氣
寒冷團聚向火經努赫稜墨爾根布貴隆長善
張應祿宋占魁等奮勇爭先拆毀賊卡拋擲火
彈賊匪四出奔潰殲戮不可勝計餘匪往汪家
山賊寨逃竄我兵乘勝追殺並將汪家山賊寨
一併燒燬生擒賊匪九十六名內何三元李大

儒尹和尚均係緊要賊目其餘亦俱訊明一併
正法因雪霧交作路徑難辨是以卽在該處暫
停畧息兵力相機究剿連日打仗陣亡受傷弁
兵鄉勇容俟查明照例咨部卹賞再查豐城屯
聚邪匪節次率同賊衆來撲營卡經游擊愛隆
阿等鼓勵本地鄉勇隨同官兵悉力堵剿賊匪
不致蔓延惟兵勇尙單一時未能撲滅至此間

賊匪總思由天星橋一帶前竄豐城應由東鄉
縣城經過該處防守緊要必須入員帶兵駐劄
既可夾攻達州邪匪並可爲防堵豐城一路兵
勇聲援現在總兵袁國璜日內准到此間帶兵
已不乏人臣佛住自應前往東鄉相機辦理是
以抽撥駐防兵四百名鄉勇二百名於拜摺後
卽帶領馳赴東鄉嚴密堵截訂期夾擊又太平

縣屬邪匪現據道員李鉉都司謝開先等派外
委馮繼世督率兵勇連次殲斃賊匪二百餘名
將鴿子山古家坪賊巢全行燒燬其黃泥灣賊
匪於十月二十二日夜具雨窟至附近之鞍子
坪恃險屯聚亦經謝開先設法鼓勵兵勇攻克
賊卡三座殺賊數十人宣外委馮繼世此次剿
殺賊匪頗屬出力其糾集鄉勇之文武生監人

等亦屬勇往急公臣現已飛飭李鉉就近確查

分別獎賞並飭謝開先添募鄉勇將鞍子坪屯

聚賊匪迅速撲滅惟續據該道稟稱太平縣屬

之獅子山往遷壩等處另有邪匪分起屯聚焚

掠勢甚猖獗臣思此間距太平縣各賊巢均有

六七百里且值剿捕喫緊之際勢難分兵前往

督臣宜綿此時當已行抵西鄉該處與太平較

近臣隨卽一面知會宜綿派撥兵將馳赴太平
相機剿捕一面挑選鄉勇三百名派員帶往交
與李鉉分設卡隘堵截不令蔓延並飭該道籌
備甘省官兵口糧俾無缺乏均奏入

上命軍機大臣傳諭宜綿英善秦承恩柯藩口柯藩
奏剿殺黃柏棚賊匪情形所辦尚好但該提督現
已回至興安似黃柏棚之賊業經剿淨而摺內僅

稱殺賊四百餘名擒獲男婦老幼一概誅戮並未
將該處賊匪曾否剿淨之處奏及殊欠明晰其陣
亡兵丁六名著咨部優恤受傷兵丁九名亦著加
賞至牛蹄嶺等處賊匪逼近興安郡城現在秦承
恩駐劄興安而宜綿昨已帶兵馳往宜綿務卽迅
速剿淨該處事竣後宜綿柯藩仍應速赴川省太
平一帶協剿興漢與太平毗連防有川省逸匪竄

入秦承恩仍著暫留該處督率堵拏並資彈壓不
必遠赴達州爲是又據英善奏剿殺撲卡賊匪並
攻克袁家石壩汪家山賊寨情形所辦尙好都司
石陣圖知縣劉清縣丞楊世鰲外委曾玉柱著各
以應陞之缺陞用尙維岳山剿賊陣亡殊爲可惜著
咨部照叅將例議卹至太平縣附近之鞍子坪賊
匪恃險屯聚經都司謝四先帶領兵勇攻克賊卡

三座殺賊數十名尙爲出力謝開先亦著加恩以
遊擊陞用但英善摺內旣稱攻克袁家石壩汪家
山賊寨而達州賊匪曾否剿淨未據奏及亦欠明
晰此時英善等在達州剿賊東鄉一路佛住已帶
兵勇前往而袁國璜亦早到彼宜緝柯藩剿淨牛
蹄嶺賊匪亦卽馳赴太平三路進攻賊匪自無從
竄逸英善等惟當倍加勉力迅速蕲功究竟達州

東鄉太平尙有幾處賊匪並著英善查明速奏

二十一日

壬戌

福寧觀成惠齡奏言

臣

惠齡於掃

蕩涼山賊匪後將善後事宜趕緊辦竣於十一

月初二日帶領末起官兵啟程沿途山徑崎嶇

雨雪凜滑兵丁徒步爭先不辭勞瘁已於初六

日全抵滋邱與

臣

福寧觀成相見將賊巢山勢

親加查看該處峯巒高聳自下而上高可二十

餘里周圍約有百餘里北面濱臨清江河所有
吳家口布灣口等處皆山脚陡削高逾百仞不
特我兵難以登陟卽賊人亦難偷下其餘三面
雖亦險峻尚皆有路可循第賊匪均已挖斷現
在^臣等悉心商推將所帶官兵分爲四路嚴密
堵截須將高險賊卡設法奪獲數處則其餘各
賊卡不難次第搶占卽可於前後左右步步進

攻既免賊匪抄襲後路復可使其羣聚一處易

於兜擒但查臣等所帶官兵內除受傷患病外

現在共有七千餘名既需進剿更須防守而且

山勢遼濶處處可通必須四面攻圍臣等公同

酌議鄉勇固不足恃但使間隔官兵接續紮卡

亦可少助軍威再臣惠齡沿途查看各兵紮營

地方俱在萬山之中登陟維艱一切軍火糧餉

所關甚鉅亦必須廣設臺站多方分運並酌委
大員居中調度來往督查方免貽悞現在雖有
候補道府雙慶等親在各站嚴催但官非現任
究恐呼應不靈且人地生疎難以深恃調任臬
司張長庚駐劄宜昌府城係汪新奏派專管後
路之員宜昌離軍營較遠照料難周臣等現札
調該司前來長陽縣城凡各路運送軍火糧餉

等項皆總滙於此卽飭該司居中調度源源運
赴軍營並飭酌量道路遠近分設臺站委員管
理逐站滾運以免積滯其宜昌府城有知府王
春煦現在軍營該員於軍務事宜未能熟悉而
趨運軍需等項尚所能爲臣等已飭令馳回本
任就近督率趕運各專責成再各營需雇長夫
及鄉勇等以備樵汲響導等項差遣勢不能不

用本地之人但與賊匪同屬鄉隣頗難識別難保無奸細竄跡其中暗行窺探軍情臣等飭令軍營臺站各員凡有人夫鄉勇各於衣之前後胸前縫一紅布註明某縣字樣並於肩甲上另縫白布一塊書寫姓名以作記認庶一望瞭然卽進剿時亦不虞混雜奏入

上命軍機大臣傳諭永保福寧觀成惠齡曰惠齡自

掃蕩涼山賊匪卽帶兵前赴滋邱以爲到彼後自
卽會同福寧等督兵進剿分路兜圍迅殲賊衆今
據奏到情形尙在會同察看形勢設法布置爲進
取之計未爲滿意該處地方險峻其有路可通之
處俱被賊匪挖斷實爲可惡現在福寧等擬將險
要賊卡先行奪獲使賊匪聚集一處以便四路兜
擒所辦尙是福寧等現有兵力七千餘名已不爲

少務須督率將弁倍加奮勉進逼賊巢剋期剿盡
不得再有稽延

二十七日

辰

臣宜綿奏言

臣

前派肅州與臣索費

英阿帶兵一千名由西鄉赴川省之太平剿賊
茲查安康平利紫陽三縣地方各有賊匪滋擾
平利縣賊匪經秦承恩派委漢興道文需都司
趙禧帶領兵勇于本月初六日在桐皮溝一帶

剿殺淨盡將賊首張爾登凌遲梟示惟紫陽縣
之洞汝二河大小米溪蒿坪河等處賊匪日肆
焚掠該縣城小兵單望援急切雖經秦承恩派
委署叅將曹文通都司白應斗帶兵三百名前
往但兵少賊多不敷堵剿竊思紫陽地接太平
若剿除稍緩設兩處賊匪會合更難辦理臣現
帶兵赴興安剿除逼近府城之賊未能再分兵

力惟查索費英阿所帶之兵甫抵西鄉臣于途

次卽飛檄調赴紫陽由高坪河一帶進至洞汝

二河將賊匪剪除淨盡再由該縣之毛壩關前

赴太平協剿臣隨于十三日馳抵興安府城現

在會同秦承恩柯藩商辦進剿府城東南安嶺

賊匪以期剋日竣功

同日宜綿秦承恩柯藩奏言查興安府所屬各

廳縣與四川連界居多白達州邪匪搆亂分遣
黨與布散謠言要脅勾結會經習教之人俱各
心懷不安以致乘機蠢動其在府城南者爲牛
蹄舖古廟嶺兩處之賊以安嶺爲巢穴在府城
北者爲將軍山皆逼近郡城屯聚窺伺經臣秦
承恩嚴督兵勇晝夜防範節次盤獲賊目楊秉
恒及水陸兩路送犯放火之張啟美等四十餘

犯隨時正法並將漢江船隻全數收歸南岸派
官看守賊匪不得偷渡聯絡郡城尙屬安堵茲

臣宜綿馳抵興安臣柯藩亦已趕回郡城隨與

臣秦承恩會商將軍山與郡城相隔漢江可以
據塹而守惟安嶺之賊憑高直下半日可到不

可不先爲撲滅查安嶺在郡城東南三十餘里
雙峯突起其中平坦處約長三里餘舊有房屋

三百餘間賊人據爲巢穴器械糧食眷屬充牣
其內四面布列帳房蓆棚分爲五營四哨周圍
堅立木城老小精壯約四五百人其前爲高廟
山形勢陡峻安設大卡又前爲古廟嶺及王家
山羊毛子堰胡家灣凡可進兵之處皆重重設
卡又有千餘人及數百人不等上等思賊人乘
高據險可通者不過蜿蜒小道若一路仰攻勢

須魚貫而上兵多反致擁擠且使賊匪全力抵拒更難攻克必須數路齊進使其備多力分方可一鼓殲擒隨派遊擊海洪阿等帶兵五百名直撲古廟嶺又派叅將李文蔚等帶兵五百名由胡家灣一路前進遊擊韓加業等帶兵五百名由羊毛子堰一路前進遊擊李昌等帶兵三百名由王家山一路前進猶恐兵力不敷復派

隨營之同州府知府朱勲候補州同章玠等分帶鄉勇一千名隨同續進又飛飭平利洵陽兩縣帶領兵勇於後路爛泥灣張鐵溝等處堵截

十六日丑刻各兵分隊前進臣秦承恩帶兵二

百名出駐城北江岸以防將軍山之賊臣宜綿

親帶佐領西林布都司薛大烈等並兵二百名

隨後督戰臣柯藩以古廟嶺一路最險隨親身

督率海洪阿及朱勳等直撲賊卡賊衆搖旗吶
喊併力抗拒外委劉滿貴兵丁周孝先撲上山
砍斃賊匪十餘人劉滿貴又生擒搖旗賊首一
人我兵蜂擁而進賊匪不能抵敵棄卡而逃其
時李文蔚韓加業李昌等三路之兵亦將王家
山羊毛子堰胡家灣大卡攻克殺死賊衆千餘
人天色昏黑暫休兵力十七日李文蔚等三路

之兵先行進發

臣

柯藩仍帶海洪阿等攻撲高

廟山大卡踰溝而上賊人恃險抗拒我兵自下

仰攻賊匪死傷甚衆安嶺之賊悉行趕到自己

至未火藥將盡蟻聚愈多

臣

宜綿見相持已久

卽添兵二百名交薛大烈等帶往助戰

臣

秦承

恩亦派委興安府周世紹等押送軍火前來適

李文蔚之兵自旁而入賊衆正在驚愕分投抵

禦韓加業等已會合李昌之兵將兩路零星賊
卡全行奪獲漸逼安嶺大寨分遣勇健千把外
委兵丁潛至木城邊拋擲火彈烟焰四起賊匪
四顧忙亂臣柯藩率領遊擊海洪阿李文蔚知
府朱勲等乘勢奪取高廟山大卡會合諸路環
攻大寨賊衆數千盡成煨燼逸出者被兵勇擒
斬無遺滾岸落坡者亦不可勝計其逃至後路

五百餘名經署平利縣葭州知州宋昌瑋督領
兵勇并會同洵陽鄉勇兩面剿殺全行殲斃并
殺頭目劉學賢一名尚恐有零星逃出之賊十
八日仍派兵駐守分路搜捕所有奪獲軍械糧
食馬騾無算分賞鄉勇壯役其臨陣擒獲各犯
除訊明實係良民被裹者分別辦理外其餘四
百一十四名實無可宥俱行正法內王可秀成

自智二名訊係賊首取供後凌遲處死其出力
文武員弁並陣亡受傷兵勇等容俟查明另行
分別具奏咨部辦理再安康境內將軍山及清
山溝亞駝家壩等處俱有賊匪臣等以次帶兵
前往剿洗一經完竣卽行奏聞均奏入

上命軍機大臣傳諭宜綿秦承恩英善柯藩曰興安
地方屯聚教匪窺伺郡城其安嶺之賊憑高據險

設卡拒守經宜綿等督率將弁分路齊進將木城
悉行焚燬殲賊數千逃竄之賊並經兵勇剿除淨
盡所辦深爲可嘉宜綿秦承恩柯藩著各賞鑲嵌
瑪瑙盒一個大小荷包其首先撲卡拏獲賊目之
外委劉滿貴兵丁周孝九爲出力劉滿貴著卽起
擢守備周孝著卽以千總補用仍各賞銀五十兩
其餘出力文武員弁俱著咨部議敘所有此次打

仗兵丁著各賞給一月錢糧傷亡兵勇俱著查明
咨部卹賞至該處地方與四川連界總由達州邪
匪分遣黨與要脅勾結以致乘機蠢動是達州實
教匪潛匿之藪其中必有爲首之人亟須搜捕淨
盡宜綿等務當倍加奮勉乘官兵勝勢將安康境
內之將軍山清山溝堙駝家壩等處糾聚賊匪速
行悉數殲除卽移兵速赴達州會同英善等將該

處賊匪迅速掃除再膺懋賞

二十八日

已

福寧觀成惠齡奏言

臣

等連日在

黃柏山東西北三面親臨察看懸崖峭壁處處
陡險其可以進兵之路又皆一線羊腸左環右
繞路徑如梳傳問附近土人僅能約舉總路地
名其餘錯雜之區亦俱不能指認且旁通道路
賊匪均已挖斷堆石爲卡或紮立木城防備甚

密^臣等細心商酌分兵三路將賊山附近要卡

先行奪占步步進逼既可杜其四出滋擾而官

兵自遠而近亦可聯絡聲援^臣福寧督率總兵

慶溥等帶領兵勇渡河由張家口碓窩溪一帶

以攻賊山之北^臣觀成督率總兵諸神保等帶

領兵勇渡河由天池口取道以攻賊山之西^臣

惠齡督率署總兵關騰等帶領兵勇由南河之

長嶺彭家坳一帶進攻賊山之東於十八日卯時一齊進發激勵兵將攀藤附葛鼓勇而登行至碓窩溪賊卡天已微明見卡內搭蓋草棚不下數百隨即鎗箭並發賊匪不料官兵驟至一齊抗拒官兵排鎗而進直逼賊卡拋擲火彈施放火箭將卡內草棚登時燒燬賊匪紛紛亂竄冒烟突火盡向山上奔逃我兵從後追殺其跌

落巖澗者不計其數當將准窩溪奪佔望見沿
山一帶大小賊卡不下十餘處各向准窩前來

救應

臣

福寧分兵左右兩翼直前佔踞向下迎

擊賊匪退走我兵趁勢趕下復奪賊卡二處賊

匪急向陡壁之間猱升而上直至山頂藏匿隨

將賊卡分兵紮駐不使賊匪抄襲

臣

觀成帶兵

行至半途遙見賊匪數百人從上坪一帶潛行

似欲渡河撲卡遂分兵兩隊令諸神保蘇勒芳
阿帶領一起伏於天池口之左董寧川趙秉淵
帶領一起伏於天池口之右臣觀成帶兵繞至

上游以便壓擊賊匪果有數百人沿溪蜂擁而
來諸神保等俟其半過從左右突出賊匪前後

抵拒我兵人人奮勇殺賊數十人臣觀成帶兵

壓下三百夾攻賊始四散奔逃落水滾岩死者

甚多餘賊竄入山林逃逸

臣

惠齡帶兵上至長

嶺見一椀水賊卡屯聚約有一千餘人其附近

之涼風臺一卡峯巒高聳所聚賊匪更多與一

椀水互爲犄角此外賊卡紛拏甚爲嚴密

臣惠

齡相度山形長嶺爲黃栢山東路其前有四方

臺黃金嶂鷲凸嶺諸山爲賊巢屏障若欲奪占

四方臺等處要隘必先取一椀水涼風臺各卡

後方能次第進攻但二處山勢頗高路尤歧雜亦須分兵抄襲方能得手隨令關騰先福等帶兵從山後取路繞至涼風臺之南許文謨張持等帶兵繞至涼風臺之西臣惠齡率領前鋒校倭什璉等帶兵由東北直撲一碗水賊卡賊匪見官兵將近卽行抗拒鎗石如雨官兵各用檣牌遮護奮不顧身直前擊殺行營千總趙朝珍

首先拔開鹿角跳過濠溝手刃數賊搶入卡內
我兵乘勢齊上登時殲斃一百餘人賊匪不能
抵禦盡向涼風臺而逃其涼風臺卡內賊匪蜂
湧前來救應正與我兵相遇短刃相接又斃一
百餘人趙朝珍深入賊隊頭受鎗傷身受矛傷
當時陣亡正在鏖戰間關騰許文謨等已從兩
路搶入賊卡將涼風臺奪佔帶兵自賊後趕來

我兵見有官兵接應勇氣倍增而賊人知歸路已失無心接仗齊向陡巖奔逸經官兵鎗打石擊及墜巖死者不下二百餘人時已將晚大霧瀰漫未便冒險當就一椀水涼風臺二處紮營此次官兵割取賊匪首級九十七顆奪獲鎗桿刀矛無算除查明陣亡受傷兵勇分別咨部外一面飛行知會成德文圖帶兵前赴賊山之東

西兩路相地紮營速爲聯絡以便定期圍剿又

臣等節奉

諭旨令 臣 觀成將黃栢山賊匪剿竣後卽帶兵前赴

達州剿賊查黃栢山賊巢地勢寬廣 臣 等現在

分路進攻均須隨時隨事相機商辦况日來連

奪賊卡難保賊匪不乘隙欲逃尤應處處加意

堵截以便四面兜擒 臣 觀成實有萬難遽離之

勢臣等惟有上緊設法環攻速將黃柏山首夥
各匪悉數殲擒惟時察看何處尙須協剿卽當
分兵前往該處以期迅速蕪功斷不敢稍存拘
泥遷就之見

同日永保恒瑞慶成舒亮奏言臣等探得逆首

姚之富等誘約夥黨潛赴黃龍壩藏匿招收餘
匪復煽引襄陽棗陽兩縣村中日前投出之邪

教多人入夥遷移無定散漫屯扎該處路徑荒
遠田塍錯雜路路皆可竄逸當卽公同商酌先
將大江東北滾河一帶各渡口分布官兵三千
鄉勇四千餘名安設營卡總兵楊秀沿河稽查
防範臣等分爲三路恒瑞碩雲保阿爾薩朗富
成德光爲一路舒亮訥音巴克坦布德齡王文
雄爲一路永保慶成明泰爲一路各率官兵前

進兜剿乃賊匪自草店敗逃之後雖復聚集多人一聞官兵進逼卽分投奔竄臣等恐賊情狡

詐故作四路分竄牽制官兵隨卽各帶馬步兵分路前進十六日晚追至蕭家岡據差探報稱

沿江東津灣一帶見有賊匪數起並不放火向

西北而去臣永保等一面督率官兵抄繞追截

臣恒瑞與總兵德光選帶馬兵卽於是日二更

起程馳赴沿河督查堵禦十七日黎明據派防
老凹灘渡口之江西都司福寧阿差弁報稱探
知潘臺地方有賊匪捏稱避難民人偷渡過河
沿途放火竟向西北奔竄臣等恐賊匪直走呂
堰新店等處窺伺豫境臣永保恒瑞慶成舒亮
碩雲保訥音刻卽各帶馬兵兜繞賊衆之前巴
克坦布阿爾薩朗富成等各帶步兵渡河紮營

以防賊人敗退折回東南之路臣等于十八日

前至呂堰驛迤南正遇賊匪結隊連羣向北行

走瞥見官兵截其去路向前直撲臣等督率巴

圖魯侍衛章京滿漢馬兵奮力衝擊賊衆收竄

官兵乘機剿殺殲賊甚多餘匪向南奔逃臣等

督催官兵緊追殲剿并令巴克坦布等各帶步

兵自東南截殺于十九日至葉店沿途剿斃賊

匪甚多賊匪向西竄逸臣等現分四路向西追

剿景安已於鄧州邊界撥兵堵禦並知會畢沅

飛飭西北各屬交界派撥兵勇嚴密堵截伏查

都司福寧阿派在滾河西岸老凹灘一帶駐兵

防堵理應嚴密把守乃疎於稽察以致逆匪捏

詞潛渡實屬玩忽應請革職拏問從重治罪總

兵楊秀係派留沿河一帶往來稽查防堵大員

雖其紮營之處距潘臺稍遠該鎮究未能先事
巡防亦屬疎懈請革職留于軍前効力贖罪至
臣 永保恒瑞慶成舒亮等實在無能負咎滋深
惟有仰懇

皇上天恩將 臣 等從重治罪

同日景安奏言 臣 前將安設臺站等事布置後

馳回豫省邊界查撫歸業民戶搜拏餘匪連日

探得湖北賊匪復向西竄永保等統領大兵分
頭抄截正在追拏緊急之時恐或有餘匪竄回
豫省不可不爲防範查鄧州浙川新野邊界一
帶在在緊要臣率領臬司陳文緯糧道完顏岱
暨文武員弁分帶兵勇于鄧州交界之魏家集
都司衙孟家樓及浙川交界之三光山新野交
界之新店鋪等處嚴密堵截諒永保等軍威壯

盛賊匪業已窮蹙自可剋期蕝事如有剿敗餘
匪竄回豫境立即擒拏斷不使有漏網仍一面
撫綏歸業村民安輯良善務祈閭閻寧謐均奏
入

上命軍機大臣傳諭永保福寧觀成惠齡宜綿秦承
恩景安日永保等奏黃龍嘴賊匪復偷渡滾河向
西竄逸閱圖內方向賊匪因呂堰驛等處有官兵

截殺是以向西奔竄但賊匪已奔向牛首一帶而官兵僅在竹條鋪截剿並未繞過晉鼓廟許家集一帶迎頭截殺是官兵在賊匪之後尾追一任賊匪西去逾遠而光化縣城是否有兵防守賊匪究在光化何處地方屯聚摺內未經聲敘明晰是何意見今賊既西竄若無所攔截任其沿途逼脅裹掠良民豈不使未經遭賊地方復受蹂躪而該處

同教匪犯又復被其煽惑所關非細著永保等將此一節明白覆奏至光化一帶與鄖西等處毗連相近陝西商州若不亟爲堵截設賊匪竄入鄖西一帶或與陝省教匪勾結更屬不成事體陝西紫陽平利等處之賊不過川省闖入餘匪易于撲滅現在既有此事宜綿秦承恩柯藩三人可以不必同赴川省著傳諭宜綿等將興安賊匪剿淨後卽

著柯藩帶兵速赴紫陽一帶將關入賊匪截殺淨
盡肅清陝界再赴川省達州等處協剿興漢地方
亦關緊要秦承恩仍當在該處彈壓堵截宜綿迅
赴商州鄖西一帶堵剿勿使黃龍增逸匪闖入勾
結至景安現在魏家集駐劄賊匪或因西路堵截
嚴密復向北竄則鄖州新野一帶地方平行又無
要隘可扼設被賊匪四散搶掠更難搜捕而景安

帶兵無多尤當亟籌堵截著傳諭景安務須設法
籌辦或多雇鄉勇或抽撥附近兵丁總期防範嚴
密不使逸匪竄入豫境方爲妥善又據福寧等奏
三路進剿殺賊甚多復將賊匪要卡奪佔辦理俱
好觀成因該處剿賊緊要並不拘泥卽回川省所
見亦是福寧觀成惠齡著各賞白玉喜字搬指銀
絲搬指套大小荷包以示獎勵其陣亡之行營千

總趙朝珍著咨部加一等優卹福寧等務當乘勝
進攻速將黃柏山賊巢洗蕩永保等一路毫無籌
畫屢次疎縱看來竟不足恃着傳諭福寧惠齡于
剿竣黃柏山賊匪後帶領得勝之兵速往光化一
帶幫同永保等會合攻擊以副委任又永保等摺
內稱賊匪于十六日晚經官兵追至蕭家岡地方
而永保等始于十八日前至呂堰截其向西北逃

竄之路是兩日之內任聽賊匪奔竄並未設法攔截所辦何事至滾河潘臺東津灣一帶係賊匪偷渡要路永保等既知該處緊要現在帶兵大員共有十餘人寧不可酌分一二到彼防堵何以僅派都司福寧阿在彼駐守雖該都司未能先事攔截罪所應得亦係永保等派委失當所致且該都司帶兵若干之處亦未聲敘明晰至賊匪俱向光化

一帶逃竄假裝難民是否有姚之富在內抑該犯已向他處逃竄又劉之協下落亦未據查明摺內所奏情形俱屬含混若永保等再不實力搜捕致首逆潛逃漏網則伊等之罪更大矣

上諭內閣曰前此賊匪由鍾祥北竄復將潯河鎮焚掠爾時卽應將永保等從重治罪適因剿賊喫緊之時曲加寬宥並添派京營直隸山東勁兵六千

名前往剿捕合舊有之兵共有一萬五六千名永保等自應倍加奮勉設法兜捕乃致賊匪又由唐縣竄回棗陽復至黃龍壩屯聚今又復渡河向西北奔竄實屬無能之極本應將永保等革職拏問解京從重治罪因念現在該處帶兵乏人姑從寬宥永保恒瑞前所得雙眼花翎及太子太保銜並慶成舒亮前賞花翎太子太保銜巴圖魯名號俱

着一併革去永保之子寧志寧懿亦著革職仍候
伊父功過再降諭旨永保等務須倍加媿勵奮力
進剿設法擒渠以期稍贖罪愆若等不知奮勉致
賊匪又復他竄必將伊等照軍法從事不能稍爲
曲貸至巴克坦布阿爾薩朗等亦當治以應得之
罪第念伊等帶兵甫抵該處究非總統之人暫免
治罪仍傳旨嚴行申飭如再有疎縱必當一併治

罪至總兵楊秀都司福寧阿係派在滾河專司防
堵稽查之員乃漫無查察致賊渡河竄逸楊秀著
革職留於軍前効力贖罪福寧阿著革職拏問解
京交部治罪

二十九日

庚午

上命軍機大臣傳諭惠齡曰昨據永保等奏黃龍墻
賊匪復偷渡滾河向西竄逸已明降諭旨將伊等

革去宮銜花翎以示懲創永保係總統大員當兵
多將廣之時自應調度周密督率剿捕以期一鼓
殲擒迅速蕝事乃自統兵以來毫無把握屢致賊
匪東奔西竄看來竟不足恃且現將伊宮銜花翎
革去將弁等未免心存玩視卽永保亦難自行振
作現在黃柏山有福寧觀成成德文圖等四人在
彼帶兵分路進攻昨又據奏將賊匪要卡奪佔辦

理俱屬妥協看來成功自已不遠惠齡竟可無須
在彼協剿著接奉此旨卽由驛星赴永保等一路
總統軍務接辦一切並將此旨面傳永保將伊解
任來京交部治罪惠齡前在灌灣腦涼山兩處剿
辦賊匪俱屬順利乘此聲威督率將弁帶兵圍剿
可期壁壘一新指日奏捷伊母現甚強健朕前已
加恩諭知矣俟湖北軍事大定再令伊來京奉侍

惠齡既可仰邀國恩兼得歡侍慈闈更爲忠孝兩
全惠齡益當感深圖報迅勉成功

同日英善勒禮善佛住奏言臣等於本月初四

日攻克袁家石壩汪家山賊寨後連朝雨雪交
作霧氣迷漫而汪家山前後樹木叢生路途錯
雜恐賊人詭計多端暗有埋伏俟我兵進攻時
抄襲後路隨卽一面派委將弁分赴山溝密箐

搜捕餘匪一面將後路各卡兵勇酌量撤併前敵籌議進攻查賊匪分起屯聚之所彼此相距十數里及八九里不等必須分投痛剿使其難

以兼顧

臣

等所帶滿漢兵丁除分撥各處防守

外爲數有限經派委召募鄉勇義民之隨營道員石作瑞挑選勇往敢戰者一千餘名逐日操演技藝漸熟足資分撥至初十日霧氣稍開卽

派鎮臣袁國璜道員李憲宜率領署都司石陣

圖等繞道由七里峽至天星橋一路臣勒禮善

率同署協領努赫稜等由太平寨至桐油坪一

路鎮臣何元卿率領千總馬大綬等由梅子口

翻山至黃家場一路臣英善率同叅將盧廷璋

等仍由汪家山至柏樹場大路同時進剿臣佛

住于初五日馳抵東鄉縣親赴大小東山廟

一帶隘口週歷察看擇其最要之處布置周妥

以期聲勢聯絡並經臣英善等密將進攻日期

知會十一日黎明官兵分路殺入喊聲震地各

處賊匪慌亂抵禦我兵鎗礮齊發痛加殲戮賊

人俱竄至冉家壩該處賊匪甚眾克悍異常抵

死格鬪因我兵會齊一路併力撲剿人人奮勇

爭先該匪等料難抵敵竟有分股欲由大東林

渡口偷渡奪路竄逃之勢

臣

佛住督率協領塔

克慎知縣劉清等隔河施放鎗礮轟斃數十人

匪衆不能越渡卽奔入大東林渡附近之毛坪

張家觀一帶山內恃險死拒官兵自十一日卯

刻起至十二日酉刻止追剿數十里約計殺賊

千餘兵勇未免稍形勞乏且攻克各處地方兩

旁俱屬山岩樹林均應逐一搜查肅清後路

臣

等暫時駐劄以息兵力此次分路進剿連將柏
樹場天星橋桐油坪東林河黃家場冉家壩賊
巢全行克復雖未能將醜類悉除但賊勢實已
窮蹙自可剋期掃平至各路官兵生擒賊匪共
計一百三十四名內有賊目李興元桂士常文
富廖遐昌俱卽一一正法梟示奪獲刀矛烏鎗
糧食牛馬甚多均分賞出力兵勇都司清福殺

賊最多中鎗陣亡弁兵中亦間有陣亡受傷者
現在清查咨部辦理再查從賊人等被脅同行
者不少先經_臣等派委道員石作瑞將所奉

恩旨廣爲宣布多方剴切示諭是以連次攻克各賊
巢時自山林密箐出迎道旁者男婦共計一千
數百名口經該道逐一查訊並令土著良民指
認俱稱實係柏樹場冉家壩一帶居民並非邪

黨並據伊等伏地痛哭稱房屋俱遭焚燒亦有
父兒子姪業已被害情願隨同官兵守卡打仗
殺賊報仇詞意極爲諄懇臣等當飭該道妥爲
駕馭安撫並留心察看如果實心恨賊再行酌
派隨征以期得力斷不敢稍涉大意致有他慮
英善又奏言查達州東鄉交界屯聚邪教節經
官兵痛剿全行克復餘匪竄至橫山子毛坪張

家觀一帶藏匿不過苟延殘喘鎮臣袁國璜何
元卿俱已先後到營會同打仗該鎮等久經軍
旅督率有方無難迅掃妖氛惟營中兵丁究屬
無多不能分撥現在豐城賊匪仍敢負隅固守
遊擊愛隆阿都司羅定國連日接仗殺賊百餘
名亦因兵力甚單未能卽時殲除而太平縣屬
古家坪剿散餘匪雖據地方文武稟報經外委

馮繼世督同鄉勇搜捕但通天觀陳家壩又有
邪匪響應鞍子山往遷壩獅子山一帶尙未收
復現在祇有陝西漢中協副將瑪靈阿守備韓
鳳翔來川援剿所帶兵丁僅三百餘名臣昨准
督臣宜綿知會興安所屬地方亦有邪匪蠢動
宜綿已由漢中親往興安會同秦承恩等查辦
先派肅州鎮臣索費英阿帶領甘肅兵一千由

西鄉前來太平剿捕刻下尙無入川信息此時

太平一路實屬賊衆兵單臣正在此間剿賊喫

緊之際勢難兼顧惟有極力設法會同勒禮善

等鼓勵兵勇趕緊掃除迅速移兵前往剿辦一

面知會福寧觀成酌核辦理再前據明正瓦寺

五寨各土司先後差人來營稟稱該土司等受

恩深重急思報効現在達州地方聞有軍務不敢坐

視情願各挑士兵二三百名赴營助剿等情

臣

察其情形誠懇是以准其所請卽日可以陸續到營查該士兵奮勉急公似應給予鹽糧以示體恤伏候

訓示奏入

上命軍機大臣傳諭宜綿秦承恩牙保英善曰英善等奏分路痛剿柏樹場天星橋一帶屯聚賊匪情形所辦可嘉

英善勒禮善佛住均著賞給喜字玉搬指大小荷包哀國瓚何元卿著賞給大小荷包英善勒禮善並著賞戴花翎道員石作瑞經英善等委令召募鄉勇義民操演熟習足資分撥石作瑞亦著賞戴花翎並賞給大小荷包以示獎勵所有打仗出力官兵著賞給一月錢糧其殺賊陣亡之都司清福著咨部加一等優卹傷亡弁兵並著查明咨部分

別卹賞至明正瓦寺五寨各土司稟請各挑土兵
二三百名赴營助剿甚屬急公此項土兵到營著
卽先行賞給一月鹽菜口糧俾益加鼓勵又據奏
達州東鄉屯聚餘匪現在竄入橫山子一帶太平
縣屬之通天觀等處尚有賊匪竄聚太平所屬地
方現在兵力無多亟須陝兵助剿著傳諭索費英
阿速赴太平會同上緊剿辦無得遲緩昨已諭令

柯藩剿淨興安賊匪卽赴紫陽一帶截殺竄匪該處賊匪一經剿竣柯藩亦著卽速赴太平會同搜捕現在英善已將柏樹場等處賊匪剿淨自必乘勝將東鄉太平潛匿之賊迅速殲除又柯藩現在安康剿捕賊匪此外紫陽平利亦有川匪竄入若將該二處之賊剿淨興安所屬是否悉就寧謐宜綿秦承恩一俟邊界廓清卽當遵照昨旨秦承恩

仍在該處堵截宜綿速赴商州鄖西一帶堵剿勿使黃龍壩逸匪闖入勾結方爲妥善至永保一路兵多將廣復任賊偷渡滾河向西竄逸固有應得之罪但巴克坦布阿爾薩朗訥音碩雲保俱係特派帶領京兵大員到營後自應會籌妥辦酌量分布乃永保等漫無調度將生力勁兵置之無用之地並未繞至賊前迎頭截殺祇知在後尾追巴克

坦布等何以率行聽從默無一語雖永保係總統
之人但行軍之際總應公同籌酌如調度合宜固
不應稍存意見若布置失當豈有旁觀坐視聽其
指使之理巴克坦布等惟知隨同帶兵尾追至賊
愈去愈遠新到京兵又形疲乏本應將巴克坦布
等一併治罪姑念伊等甫抵該處且罰不及衆是
以從寬暫免治罪著傳旨嚴為申飭仍著巴克坦布

等四人將到彼如何會商及會否勸阻或永保未經聽允之處據實各行明白迴奏並著永保將此次派撥官兵何以並不與巴克坦布等會商將新到勁兵堵截要隘之處一併明白迴奏至永保不能先事預防以致賊匪偷渡他竄未卽按律治罪已屬從寬伊子寧志寧懿僅子革職未足示懲均著發往伊犁令其自備資斧効力贖罪若永保此

時能將賊匪剿捕淨盡並擒獲首逆尙可將伊子
加恩寬宥現在英善等所帶兵力無多尙能痛殲
賊匪奪獲卡寨而承保等擁有如許勁兵仍任賊
匪逃竄寧不自知愧懼耶

三十日

辛未

畢沅奏言棗陽賊衆前經承保等并

力進剿餘匪盡竄黃龍壩一帶承保等乘官兵
勝勢連次移營愈逼愈近軍威浩大賊勢已窮

惟圖遁逸

臣

因襄城存兵除傷病外可用者不

及三百名樊城僅止有滿兵五十名所集鄉勇

未嫻紀律究難深恃恐大兵下壓賊或竄入隨

與副都統成德總兵徐昭德臬司高杞襄陽道

胡齊崙等親率兵勇嚴加堵禦並將前次賊營

投出悔罪之十餘人妥爲安撫派員慎密防範

體察情形均極寧貼惟查賊匪已潛由潘臺偷

渡俱向呂堰一路逃竄經永保等統領大兵晝
夜追捕繞至賊前迎頭截殺復折向南奔又經
官兵追至葉家店沿途殲戮甚多餘匪盡向西
逃連日在官路口一帶拏獲奸匪李必貴梁升
等二十一犯訊供欲赴光化穀城等處滋擾實
屬可惡卽一併正法梟示查光化等縣臣先已
飛飭厚集鄉勇分布要隘把守永保等現亦親

督大兵直前追截自可無虞兔脫至軍火糧餉等項已探明路徑隨營運送足資接濟不致有悞要需奏入

上命軍機大臣傳諭惠齡畢沅宜綿柯藩日畢沅奏黃龍墘賊匪經官兵剿敗後由潘臺偷渡欲向北竄經官兵迎頭截殺追至葉家店殲戮甚多餘匪盡向西逃等語黃龍墘賊匪如果經官兵四路兜

截布置嚴密何致有偷渡之事且趁其半渡不可
截擊乎賊匪既潛由潘臺偷渡正可乘機截殺乃
永保身爲總統並不預爲籌及僅令都司微員在
彼駐劄致賊匪又得乘間他竄其防範不嚴之罪
實無可追又據奏獲犯供稱賊匪渡河西竄後欲
赴光化穀城等處滋擾光化穀城雖係襄陽所屬
均與鄖西接壤前恐賊匪闖入陝西商州一帶與

該省教匪勾結會諭令宜綿將陝西邊境賊匪剿
淨後迅赴商州迎頭截剿今賊匪既有逃往光化
穀城之供該處逼近鄖西商州一帶不可不亟爲
堵截宜綿接奉此旨卽酌帶弁兵速往商州鄖西
截拏堵剿勿使楚匪一名闖入川省教匪昨據英
善等奏攻克柏樹場等處賊寨看來易於蕙功而
興漢地方有秦承恩在彼足資彈壓並著宜綿柯

藩酌量情形如平利紫陽賊匪尙須剿捕則宜綿
先赴商州鄖西柯藩仍遵前旨將陝境逸匪上緊
剿淨再探聽達州太平匪徒亦已無餘卽當前赴
商州鄖西幫同宜綿分投堵剿更爲有益

上又命軍機大臣傳諭惠齡曰昨因永保等奏黃龍
墩賊匪復渡河西竄已明降諭旨令惠齡馳往總
統軍務此次新派京兵二千及直隸山東兵四千

皆係生力勁旅合之原有官兵已有一萬五六千
名聲威壯盛朕意以爲即可蒞功乃永保等漫無
布置致賊匪仍得偷渡西竄是其調度乖方罪無
可辭但思恒瑞慶成舒亮皆係與永保同辦軍務
列銜奏事之人豈可一切不知盡聽永保調度自
應彼此會商妥辦且恒瑞身係宗室曾於臺灣獲
咎舒亮亦因黑龍江將軍任內治罪均係棄瑕錄

用之人而慶成係五福之孫看其人尙有造不次
超擢用至提督且在御前侍衛行走伊等雖非總
統皆係帶兵大員見永保調度未能妥協卽應向
其講論若曾經勸阻永保並不聽從亦何難據實
陳奏乃亦隨同附和惟知在賊後尾追任令東奔
西竄其罪均無可辭昨伊等聯銜請罪已經革去
官銜花翎及巴圖魯名號尙不足示懲著惠齡到

彼卽向恒瑞慶成舒亮三人嚴加訊問令其將會
否向永保講論未經聽允抑係均未妥籌一言不
發率行隨同辦理之處明白登答據實具奏勿稍
迴護至惠齡接奉昨旨自卽星馳前往務須大加
振作妥速籌辦剋期戡功以副委任